



De STHB (Stadtheimatbund Münster e. V.)

is för alls dao, wat met mönsterske Heimatkultur to doon hät. He bütt siene 33 Vereine Hölpe bi Heimatpläige, Heimatfüörskung un Präsentation van iähr Doon.

He möch daoto bidriägen, dat Mönster sienen Patt wiedergeiht äs Stadt van Wiettenschop un Liäwensard.

He arbeit daoför, dat Mönster in en Europa, wat ümmer mähr bineenwäss, Mönster bliff: de schöne Stadt in de Midde van de hele Region, de Stadt, in de to liäwen sick lauhnt un Freide mäk.

He will methelpen, dat all dat Guede, wat düör 1200 Jaohre in Mönster wassen is un et druogen hät, siene Kraft behööllt.

He geiht daovan uut, dat jedereen in de Büörgerschop van Mönster sick för dat Hele tostännig föhlen un engageren kann un sall; dat bedräpp besunners de Arbeit in de Vereine un in en Ährenamt. So kann dat, wat de STH B dööt un will, up brede Grund in de Stadtgeschop staohn.

Uut dat graute Spektrum van STH B-Aktivitäten sallt hier drei nommt wärden:

- Mönster äs Stadt van den Westfäölsken Friäden van 1648 un äs Friädensstadt vandage wiederbrennen,
- de nederdüütske Kultur in Spraake, Literatur, Leed, Thriaoter usw. bewahren un pläigen,
- Mönsters Büörgerschop upmüntern, sick för de Stadt to engageren.

Afriet-Riemsels

Christmaond / Dezember 2024

An dat Christkind

Du leiwe Christ,
dao liggs du in de Foerkist'.
Iek maak för di
mien Bedde frie.

Du Brö'erken, sacht
sing iek en Leed di för de Nacht
un drüeke di
heel fast an mi.

Du söte Kind,
wu kaolt doch diene Händkes sind!
Iek maak di warm
up mienen Arm.

Du leiwe Christ,
bliffs nich dao in de Foerkist'.
Iek maak för di
mien Hiärte frie.

Du lüttke Schatt
häs wiss' no nix to drinken hat.
Iek haal di wat
un maak di satt.

Hannes Demming, Kringe, Quinten & Korinthen, Münster 2011

Spruch des Monats:

*Wat m' söws doon kan, sal m' van
den Härquod nich verlangen.*

Stadtheimatbund Münster e.V.
Geschäftsstelle im historischen Torhaus
Neutor 2 | 48143 Münster
Tel.: 0251 98113978
info@stadtheimatbund-muenster.de
www.stadtheimatbund-muenster.de

STH B